

集部

欽定四庫全書 梅奏集卷五十九

主事臣吕雲棟覆勘 詳校官庶古士臣朱

理

校對官中書臣葉 總校官無吉士臣倉聖那 謄録舉人臣馬行宗 蒯

とり手 問答一本作 白 声 知舊門人 晦庵集 知乃有異論如此此正 个問答 而縣欲其無所不知所 所以向裏不 朱子 撰 B 是

若必求免是不受君命也不受君命不受天命也而可 旬呈亦不必求免如陳了翁曾作諫官及被謫猶著白 所偏也聞渠謫居却能自適亦甚不易歸期正不須問 事處時應事之法是第二節事也如乾之初九只是陽 乎所論易大縣得之但時事人位等字說得太早今只 布衫繋麻鞋赴旬呈朝廷行遣罪人正欲以此困辱之 氣潛藏之象未可發用之占耳岩便著箇不易乎世不 可且作卦爻看看得通透了到推説處方說得平居無

金グロブ

卷五十九

棋課否易之 非所謂潔静精微者若會得卦文本意却不妨當此時 欠己可見 居此位作此人也項年 嘗因人問 易應之曰公曾看靈 **瓜乎名隱而未見行而未成底人坐在 裏面便死殺** 人告而云爾耶此錯認了 觀變於陰陽而立卦 發揮於剛柔而生文 偶便是畫積畫便成卦卦中看畫便是文岩如所 答林正卿 八十二)模樣便只是如此也後有人 晦庵集)話頭也試思之 人問豈以其不

說只是引證作文不知四句之義又如何說諺所謂 金な口屋自言 此説近之然亦未盡 圖吞聚者是也何由知其味耶 耳 伏義畫卦以寫陰陽之變化文王周公作多文解 所以名卦之例非 决天下之疑孔子作象象傳以推明事物當然之理 文畫既具而三者已備乎其中前理後聖互相發 端有兼取二義二象者有專取 卷五十 *ا*ل: 然 明 囫

勞心費力不濟得事 且逐卦玩索當見各有意味不須如此安排貪多涉淺 くっしり 101 2111 | 静也施於家則廢震動也施於家則擾坎民非所取 家人卦乾剛也施於家則離兄說也施於家則亂坤 之形與二義者有不可曉者 多寡者有取文畫兼二象者有取變卦者有取文書 取人情者有兼取一象與陰陽之位者有取文畫之 義者有專取二象者有兼取二象與人情者有專 晦庵集

金岁巴是有電 鐅 穿鑿得不好 義惟明而順家之道也 變革之理際中女在前少女在後有相離之義而此 革與睽相類睽上火下澤則不相入此火在澤下有 豫四以震體之陽為陰主如大臣轉天下之危為安 以中女繼少女故曰革 一無為而下佚樂故曰豫 卷五十九

久足の町山島 失耳 得無色厲內在之姦耶大抵此一類都不是此特其小 自為說耶大病只是著力安排不曾虚心玩味耳 此等處孔子分明說順以動豫理甚分明安得舍之而 之則六十四卦之名乃十八變以後之私記三百八 若有推排而又莫知其所以然者以文王周公易觀 以伏義易觀之則看先天圖如寒暑往來陰陽代謝 中写外剛中柔至誠惻怛之人也 晦庵集

此說近之然乃知此而又不免為前段之支蔓穿鑿何 金りにんとか 作始終本 事居其時用某物其才位適其所當則吉不然則凶 觀之則卦名者時也事也物也初二三四五上者位 也而初上又或為始末之義九六者人之才也處某 卦影勿用利有攸往等語如今斷卦之文以孔子易 十四爻乃三變奇偶之私記潛龍北馬等物如今之 卷五

亦不少如此籠罩 亦不必論 無所考當關之 父已日戶公言 處之者有取二義而思所以處之者 商之書未知孰是 易疏論連山歸藏 易有取兩卦象以為法者有取卦名之義而思所 論上下二經為文王所分果可信否 以為伏義黃帝之書 **晦庵集** 一以為

金岁口尼人 此卦而制此物也今無所考只說得到此以上當且 卦或者又謂此十三卦皆云益取則亦疑詞未必因見 此不可考或表相市井已取重卦之象則疑伏義已重 /但既有八卦则六十四卦已在其中此则不可不 論六十四卦重於伏義果否 示易疑恐規模未是益讀書之 答林正卿 卷五十九 法須是從頭至尾逐 闕

賈然方具看此段時亦不知有後段也如此漸進底幾 後句看得都通透了又却從頭看此一段令其首尾通 句玩味看上字時如不知有下字看前句時如不知有 是自己分上身心義理日見純熟若只如此匆级檢閱 心與理會自然浹洽非惟會得理賢言語意脈不差且 已分上亦有何干涉耶且如看此幅紙書都不行頭直 欠こり日とか 過便可隨意穿鑿排布硬説則不唯錯會了經意於 看至行尾便只作旁行横讀将去成何文理可試 梅庵集

金牙口唇有電 此思之其得失亦不難見也 遠近亦何足較聞其臨行却甚了了區處付屬皆有 季通云亡凡在同志無不痛傷然人生要必有死遲速 迫故於其文理亦或不暇周悉兼義理精微縱横錯綜 朋友看文字多有淺迫之病淺則於其文義多所不盡 理亦足强人意也所示中庸疑義畧此條析奉報大率 各有意脈今人多是見得一邊便欲就此執定盡廢他 答林正卿 卷五十九 條

說此乃古人所謂執德不弘者非但讀書為然也要 識破此病隨事省察庶幾可以深造而自得也 學之道雖以誠意正心為本而必以格物致知為先 學之實固在踐履尚徒知而不行誠與不學無異然欲 久とりまとい 謂格物致知亦曰窮盡物理使吾之知識無不精切 行而未明於理則所践履者又未知其果何事也故大 示喻為學之意仰見造**詣之深不勝數仰然嘗聞之為** 答曹元可 晦庵集

賢之書故必由是以求之然欲其簡而易知約而易守 金なでたんご 至到耳夫天下之物莫不有理而其精為則已具於理 古經於臨漳而復刻此四書以先後其説又畧述鄙意 以附書後區區於此所以望於當世之友朋者益已 則其若大學論語中庸孟子之篇也是以項年嘗刻四 矣歸來只有數本皆為知識持去不得納呈然彼問 不遠自可致之不難也讀之有得復以見教千萬之 卷五十 切 相

沙足四事人生 事然後思是事之理當接物然後思是物之理則恐思 却成紛擾但將聖賢之書小立程課熟讀深思反復玩 味以栽培澆灌自有長進處不必如此開計度也 所喻進學處事之意省察警懼固當如此然頭緒太多 事必有是理者不知又何從而察之耶若如所謂當應 示喻存心之說此固為學之本然來喻又有所謂有是 答程次卿 胸卷集

意而病於經文之大畧諸說之太順且其前後抵牾非 告我得以反復之 亦未敢再讀也來喻以為他處皆可執其一說以為據 聞進學不倦之意甚幸甚幸但春秋之說向日亦當有 念慮紛擾之病竊意用力之久必有説以處此矣幸明 之不豫而無所及若豫講之則又陷於所謂出位而思 是以不敢妄為必通之計而姑少緩之然今老矣竟 答龔惟微

一待求而自至如其無之求亦奚益惟道義在我人皆有 意而非獨即位之說為無據也若只欲為場屋計則好 かんっとりますしたはら 日士子之通患但窮達有命非可力求若其有之當不 他書之易知者而求之庶明白而不差也 取其近似而不害理者用之若欲真實為學則不若即 獨即位之說為難通愚恐其所執之說未必聖人之真 示喻以門户之故不免兩用其心於道全未有得此今 答冀伯著 梅養集

金られてたとうで 十月二十三日熹和首啓叔耕茂材鄉友辱書升示詩 之而求無不得今乃以彼而易此其於利害之等可謂 道既無所聞不足以堪見子之意而少日粗親筆研終 所以用力於詞章者又若是其博而篤也顧惟衰晚於 外矣願以此而及思之庶乎其有决也 文論說甚富三復不置足以見鄉道之勤衛道之切而 不能窺作者藩離且自覺其初無補於身世遂用絕意 答汪叔耕

其以口舌馳說而欲其得行於世熟若得之於已而一 東桑之則初不在外與其鄉往於人熟若及求諸已與 史以求義理而措諸事業之為實也益人有是身則其 其說也然私騙計之鄉道之動衛道之切不若求其所 棄去不為今數十年矣又無以知所論之中失而上下 謂道者而修之於已之為本用力於丈詞不若窮經觀 足以治已以言乎遠則無以及人是亦何所與於人心 次定日事主任 聽其用舍於天耶至於文章一小伎耳以言乎過則不 晦琴集

次第矣請繼今以言人還姑此為報向寒千萬以時為 所以學者未足以副其天資之美意竊惜之又念其所 累贖而不厭耶足下志尚高遠才氣明决過人遠甚而 之存亡世道之隆替而校其利害勤愚及復至於連篇 金ケロととう 親自愛不宣喜再拜 以見予之厚而不忍忘也不敢不盡其愚足下試一思 果能舍其舊而新是圖則其操存探討之方固自有 答汪叔耕

為有單傳密付之三昧則又近世學者背形逐影指妄 肥羹大哉餅餌膾脯雜然於前遂欲左写右攫盡納於 進之而不由其序譬如以枵然之腹入酒食之肆見其 というられた 然所論周程傳授次第恐亦有未易言者而以太極 將欲損具逐末玩華之習而加反本務實之功則善矣 來書所論向來為學次第足以見立志之高矣 然雜 口快嚼而亟吞之豈不撑腸拄腹而果然 知其味則不知向之所食者果何物也今承來喻 晦庵集 一飽哉然未 置

為真之弊也夫道在目前初無隱蔽而聚人沈溺膠擾 惟恐人之不解了也豈有故為不盡之言以愚學者之 輕為之說是以不知其味而妄意乎言外之別傳耳 **曾虚心靜慮優柔反覆以味其立言之意而妄以已意** 字之間以開悟天下與來世其言丁寧反復明白切 耳目必俟具單傳密付而後可以得之哉但患學者未 不自知覺是以聖人因其所見道體之實發之言語 儒佛同異得失似亦未得其要至論所 至

多页四月全書

卷五十九

文已日華 台馬 已愚恐其必將有狂易喪心之患竊為吾子憂之不敢 持敬應事接物以求之則有沒世而不能達者是豈應 是之雜無怪乎愈求而愈不得也而反自謂將從主静 事接物主静持敬之罪哉如此不已不唯求之不得而 有是説而吾子何所授受而服行之哉所以求之者如 有大不可曉者不知儒者之學自六經孔孟以來何當 忘形非寐非寤虚白清鏡火珠静月每現輾變之說則 求乎儒者之學而以平其出入之息者參之又有忘心 脚庵集

先其本則其所至又當不止此也大學章句一本附 枝葉亦不待辨而明矣史論却勝他書然姑少後之而 親切之傳不待單傳客付而已了然心目之間矣其他 所論亦儘有合商量處未暇悉陳然根本若正則此等 自進持之以久亹亹而上達馬則道體精做之妙聖賢 心平氣熟玩而躬行之玩之深則理自明行之篤則力 為學規模及今日用力次第盡在此矣幸試詳之

金万里人

不以告也幸且置此而即理賢之言平易明白之處虚

五十九

說尤非實見故把捉不定又會走作爾如前日云存得 此心即便是仁此句甚好但下面說合於心者行之 勿以為老生常談而忽之也 元翰前日說得儘近似今看所示又說開了葢前日所 答李元翰

を己り巨と計

是全說不符也今且只以孟子仁人心也義人路也兩

晦庵集

來者乃先存得此心一句便只說合於心為之云云却

合於心者勿為又説從義上去了不干仁事矣今所

義人路底界分矣然義之所以能行却是仁之用處故 學者須是此心常存方能審度事理如其不然則方寸 句看來便見仁義之別益仁是此心之德纔存得 孔門之學所以处以求仁為先益此萬事之原萬事 1間自無主宰亦不復能審度可否而行所當行矣此 且要先識認得先存養得方有下手立脚處兩其 存爾未說到行處也纔說合於心者云云則便侵 如說克已復禮亦只是要得私欲去後此

金月四月白書

卷五十九

此說得之然亦本無與義不必如此之詳也 此非大義所繫不暇深考 所論未稳者多但先看此一節久之自見得也 とこうら いたい 夢良竊意弟子職一章自先生施教弟子是則以下 其學之之功如此云云 似言學莫先於立教云云自志無虚邪以下又詳言 弟子職音韻 答陳與权夢良 海奄集 古四

夢良竊意弟子職一章論教學之方其所以敬親事 夜周旋從事益為纖悉其四章弟子假饋注饋謂選 長從師受業與夫西掃應對進退之要皆括乎是自 之食疑進字誤作選字未審如何又飯是為卒注既 具在食益饌乃訓具食饋訓進食恐饋者是進具在 飯而食則平義未能通五章三飲二十注三飯必毀 二章至末十二章又分明條具其節目之詳由早至 一斗及左執虚豆斗是何器毀義如何左執虚豆欲

金分四月全世

卷五十九

此數條多所未詳但貳是周禮再貳一貳之貳益必所 食已盡而增益之也故執虚挾乙視其不足者而貳之 くろうら へみす 但豆中 批生 何用六章拼前枚祭枚字何訓何用物搜敛所祭 之何地八章葉適巴葉義如何葉是 學明明德新民皆欲止於至善而傳之一 章措總之法注總設燭之束類今時何物此段 有物而謂之虚此不可曉爾 晦庵集 調其古此 箕自 立 章結語 句 即 置 者曲

多分四月全書 於至善之意初不相妨也 二章兼明自新新民之事故通結之下章又自正解止 於性患在不能順之兩莫成於命患在不能信之兩 胡子知言曰天下莫大於心患在不能推之爾莫久 延平先生讀正蒙書語示夢良此後五峯胡子書竟 不能通也不能信故富貴貧賤不能安也先生當以 止言自明而二章結語乃言無所不用其極 不能推故人物內外不能一也不能順故死生晝夜 卷五十九

此段好但點出兩處理會不得 亦不已乃天德也有天德便可語王道其要只在 來儒者皆不識此義此見聖人之心純亦不已也純 定不易之意否 子在川上曰逝者如斯夫不舍晝夜程子曰自漢以 與天地同體之意久只是常而不變之意成只是 字性著久字順字命著成字信字為有理恐大亦是 未敢看然此段語已當熟誦自見得說心著大字推

次足可事上

晦庵集

式

程子合而言之上下句似不相應不若分作兩截看然 不已學者之事也 川流不息天運也純亦不已聖人之心也謹獨所以為 謂仁之方也已集注以上一截說仁之體下一截說 仁可以得仁之體 仁之街而程子於此二截乃合而言曰欲令如是觀 夫仁者已欲立而立人已欲達而達人能近取譬可 獨竊意其要在謹獨莫是工夫無間斷否 卷五

惟具仁者之心如此故求仁之術必如此也 不得力目前雖 杜門讀書謝去場屋自計已決夫復何言逃聞髙風第 こうり 日 とよう 歎尚但所謂難者過之不復致疑此則汎汎悠悠恐 示疑義各已批鑿附回幸更思之且於義理上 答陳與权 答方履々 少緩亦不妨也 似無事向後無歸宿處於 梅卷集 留心

金分四月全書 所逃刑此非細事也静退之說亦甚善但今亦未是 龍嚴之行若問得實使無罪者不以冤死而有罪者 者則恐不免却有多事之累也平生見朋舊間好資質 知求進耳然亦須是讀書窮理使方寸之間洞見此 求退只是要得依本分識廉恥不敢自街自關以求 也因便寓書并此奉晓幸試思之以為如何也 似此者多矣私心當竊深歎惜之故不願賢者之為 答方若水五 老五十九 教 無

題更勤刻畫為愧益深耳示喻主敬之說先賢之意益 獲審比日秋冷德履住勝為慰素比幸粗遣無足言長 說著不永字方是真能自守不求人知也 之迹亦不可萌求之之心不惟不得說者求字亦不可 知得不求只是本分求著便是罪過不惟不可有求之 次足四事 三 泰令兄幸得同事相去不遠亦時相見也跋語殊犯不 昨者經由幸獲一見别又數月宣勝馳情令叔來承書 答方子實并之 晦庵集

適 以學者不知持守身心散漫無緣見得義理分明故欲 敬只是展轉相解非無適之外別有主一主一之外 彼細考之可見程子之云只是持守得定不馳鶩走 明耳程子無適之適訓之訓往而讀如字論語無適 其先且習為端莊整肅不致放肆怠情庶幾心定而理 /意耳持守得定而不馳騖走作即是主一主一即 訓專訓主而讀如的其音義皆不同不當以此而明

金少巴西自己

之意果如何但如來喻以陰陽分之似亦有理大抵先 者於此亦不憚應接之煩也示喻人物之說未知康節 人三日日 公子 **惠之分則人物所禀亦不能無純駁之辨也手探足** 天圖自復至乾為陽自姤至坤為陰陰陽所主既有 下故以手足言之耳四端之說若以體用言之則體為 門讀書固為可樂而入居學校又可推以及人想賢 一時之謬說無足深論當時但以姤在上而復 答何巨元進之 脚庵集 躡

首而用為末若自其發處而言則發之初為首而發之 思之有所未安復以見喻幸甚 終為末二說亦不相妨熟玩之可見也匆匆奉報幸更 述世次行治之詳使得聞之又嘆大賢之後中間流落 猶以未得識其子孫為恨兹 過唇書欣感無量且承 叙 **燕服膺二先生之教有年矣雖幸得誦其詩讀其書** 不偶至於如此县者遂至淪陷隔絕而無聞獨幸賢者 答程成甫

欠足四年 公島 區之意惟左右者念之 警動其學者而勉勵之哉尚意之勤敢申其說以致區 謂賢於辨論而不能行者似有臨深為高不求進益之 者豈不欲其服先生之服誦先生之言行先生之行 唇書知進學不倦之意甚善甚善但自以不能致疑便 也今郡博士又能屈致以為學校之重其所以望於賢 於此乃能守其門户而不失其問學之傳猶足以自慰 答實文卿 晦庵集

能 疑恐只是從頭讀過不曾逐段思索玩味所以不見疑 程先生説於不疑處有疑方是長進此不可不深念也 視彼皆為空言而逆料其全無實見也顏子以能問不 病亦未免為自盡也彼以空言生辨我以實見致疑自 處若果如此則不若且看一書逐段思索反復玩味俟 日誦四書時時省察此意甚善但不知何故都無所 相妨固不當以似彼為嫌而倦於探討亦不當一點 以多問寡曷當敢是已非人而自安於不進之地哉

金万口月月月

卷五十九

文 己の日 とき 當痛自警省實下工夫也 為學之要只在著實操存家切體認自己身心上理會 責下而中自恕之意皆是學問不用力處吾輩觀此真 模病痛親切更能兼看亦住也公謹未及附書相見煩 今乃如此不解事何耶德章似亦不安具官頗有責上 致意渠從呂東東讀左傅宜其於人情物態見得曲折 其畢而別換 答竇文卿 一書之為愈也近思録說得近世學問 晦庵集 主

金分口人人有電 切忌輕自表樣引意外人辨論枉費酬應分却向裏工 深以今人之為人者為戒則庶乎其無負平生之志矣 功而不廢講誦討論之業專以古人之為已者為師而 不喻問學之難豈獨今日吾黨但當日加持守省察之 天為妻喪未葬或已葬而未除服當時祭否不當祭 答實文卿 答實文卿

更 里車全書 亦可暫停也 忌者喪之餘祭似無嫌然正寢已設几筵即無祭處恐 凉衫之屬亦以義起無正禮可考也節祠見韓魏公祭 恐不當祭棄家則廢四時正祭而猶存節祠只用深衣 何服 則已若祭則宜何服 未葬不當祭時或遇先忌又不知當祭否若祭則又 晦庵集 亖

金りでノイニー 伊川主式巴詳言之可考也 旁注施於所尊以下則不必書也 妻大祥之日乃子為母小祥之祭矣至於子為母大 夫在妻之神主宜何書何人奉祀若用夫則題媚某 凡題主男子婦人無官稱者宜何書 古者父在子為母期夫為妻期具練祥禪之祭皆同 氏神主旁注夫某祀否夫祭妻而云奉祀莫太尊否 今制夫為妻服與古同而子為母齊衰三年則夫 為

次定四重公告 小祥之後夫即釋服大祥之祭夫亦恐須素服如吊服 以祭但改其祝詞亦不必言為子而祭也 今禮几筵必三年而除則小祥大祥之祭皆夫主之 但 當以何服 父在母没父既除期之喪子尚為母服其見父之時 之禮不識可否 辭曰夫某為子某薦其祥事如曾子問宗子為介子 祥及禪夫已無服其祭當如何恐只是夫為祭主其 晦庵集

訂之 今法五服年月篇中母字下注云謂生已者則但謂 所 生云祭 矣若避嫡母則止稱亡母而不稱此以别之可也 之所生母死不知題主當何稱祭於何所 記曰妾母不世祭於子祭於孫止又曰妾科于 室 何

此於禮無文但問喪有父在不杖之説可更檢疏議

金クロアと言

此條未詳舊讀亦每疑之更詢考也 矣 世祭與否未可知若祭則稱之為祖母而自稱孫無疑 所喻數條蘇氏遠慮之說只是譬喻未必專以地言誤 次足马声心 妾母若世祭其孫異日祭妾祖母宜何稱自稱云何 之可祔耶不知合祭幾世而止 祖姑既不世祭至後日子孫有妾母又安有妾祖姑 答李公晦 . 晦庵集 盂

敵近日遣人四出捕緝至有來此登門尋看者惜不 思所言覽之令人感歎偶其鄉人有在此者當轉致 但前日忿不思難生此皋端累及無辜為可恨耳聞其 家也至之一族被擾非常極可念渠近日講論儘精 此亦泛言如云知之非艱行之惟艱古之聖賢亦未當 之嫌恐不若今文協而義精也知及仁守之説則是 道一章若取舊説則二語為復出矣兼又有以學求禄 無此戒也恕之示義亦佳先儒訓話直是不草草也正 但 細

金グで及る書

基五十

墓銘前已為令叔言之矣若無此處追敢辭也子約之 當已見之宜春之話至今未知此近事之鑒也 亡深可痛悼不知諸公能因此事惻然於中盡還諸遷 即作書以力止其行耳近日蘇子日與守任德翁文字 客否如其不然春陵之請適足為禍亦尚未見復之當 知不得收縛送官耳近日章徐皇甫黄商伯四章各出 ス・ラー しょ 何人之手幸客批示 答李公晦 每長長 芸

多定匹库全書 舊本且未須出甚善 當以存主為先而致知力行亦不可以偏廢縱使已 東坡所謂不以火點終不明耳說詩近修得國風數卷 知賢者之有志慶閥之多才又重以為喜也大抵為學 昨辱遠訪深以不獲一見為恨及得所留書而讀之益 喻四說往歲在被固皆聞之只是欠却明理其說如 答李公晦 答李處謙 老五十九

在當人自家著力雖日親 如復之者又相去之遠不得早晚相見為恨然此事全 不少妄意推求必欲含此拙法而必求妙解也 則即此欲去之心便是能去之樂但當堅守常自警覺 無之實又初未可定乎凡日用問知此一病而欲去之 次之四年上十 **衰朽益县思與朋友反復講論而外事紛擾不能如願** 長未可遂情以輕彼而長其驕各克伐之私况其有 答劉復之 晦庵集 師友亦須自做功夫不今問 支

舉亦自不為科舉所累也 金りでんと言 詞組麗之習見聞擬拾之工又日夜有以滲泄之於其 斷方有入處得菌入處却随時游心自不相妨雖應科 人心但世之業儒者既大為利禄所決潰於其前而文 示喻具悉古人之學雖不傳於天下而道未當不在於 後使其心不復自知道之在是是以雖欲慕其名而勉 然其所安終在彼而不在此也及其求之而茫然 答楊子順履正 卷五十九

尚須面論作紛 |察馬是惡人説河而甘自渴死也豈不誤哉承許枉臨 極然未有不由講學窮理而後至今惡人言仁言恕言 其躬行力践之實而為之殊不知學雖以躬行力践為 來書所論為學大意似已得之但賢者本自會說說 西銘言太極者之紛紛而吾乃不能一出其思慮以致 如捕風繋影之不可得則曰此亦口耳之習耳吾脟求 答楊子順 紜 一本

とこりられたかう "

晦庵俱

Ì

濟事耳又以後書孟子之說考之即前書所謂講明義 多分四是白雪 為得本文之意然其解正字即是助長則亦未安記得 **向移在敬字上** 承上文集義而言語脈通貫即無敬字意思來歷但反 其本領工夫恐未免亦類此也孟子所云必有事馬乃 理以為涵養培植之地者似若未精此處尚且未精則 覆讀之便自見得不假注釋矣明道之語却是借此 似却不為難只恐體之未實即此所說皆是空言不 二説非解此章文義不若伊川先生之 卷五十 説

次ピロレ 小丁 緩要修身正心便是助長告子釋氏之學皆坐此爾又 尤甚請更詳之也 子不肯措惩說欲學者體認此處喫緊工夫又云學者 未盡也若看得本文語脉分明而詳考集注以究其曲 云但嫌於迂曲其文以從注釋此皆非是而第二條為 不用穿鑿附會枉費心力而轉無交涉矣來書所云孟 處說正之之甚遂至於助長此語却差近然猶有所 子細識認見得孟子當時立意造語無一字無來歷 晦庵集 天

意說得張皇了仁義禮智是性之四德四端乃其發處 而醉亦固然之理也云天下皆歸吾仁之 金牙口是有量 下歸仁亦是畧以其效言之非是便能使天下皆知吾 久之自然見效若只如此做問話說過則不濟事矣天 仁也但言若能如此則雖天下之大亦無異詞耳人 不稱固非已之所急但其效自必至如此食而飽飲 喻數條皆善如克已復禮工夫只是如此著實用力 答楊子順 卷五十九 中即是太作

指其發處以明其本體之有是耳非直指四端為性 乃所謂情也孟子論性而曰乃若其情則可以為 善 正 當如此耳魂氣之說近之但便謂魂為知則又未可以 於八音之間則絲竹之音皆為所掩而不可聽故但於 鍾磬有特懸者有扁懸者其特懸者器大而聲宏雜奏 者則聲器皆小故可以雜奏於八音之間而不相凌 とうらいか 不知今世所謂大樂者其制如何但以理推之意古者 調畢曲之時擊其本律之懸以為作止之節其扁懸 晦庵集 亢

金好四月五十 與權者之事今以常情論之決不能合不若且置勿論 抵氣中自有箇精靈底物即所謂魂耳正名 而於君臣父子大倫之正深致察馬則亦不待他求 能從而子路聞之果以為喜且看此等處理賢氣象是 免如此今且未論其他只夫子乗桴之歎獨許子路之 其輕重取舍之間當自知所處矣此亦食內之馬至於 氣質本不髙明寬廣义為學日淺未有得力處所以不 所説則狷忿之外加以猜防意思殊覺鄙恆此是 卷五十九 一義乃 而 可

謂 是無交涉也至之粗球不如子順細客然此等處却 耳 暇詳報亦恨賢者未能勇於自拔不能一來共加刊訂 打得過正好相切磋也儀禮此間所編已畧定便遽未 如何世間許多紛紛擾擾如百千蚊蚋鼓發狂開何當 得他胸次耶若此等處放不下更說甚克已復禮直 陰 答楊子順 一陽之謂道已涉形器五性為形而下者恐皆

という!!!

梅庵集

圭

孟为巴尼有書 未然陰陽固是形而下者然所以一陰一陽者乃理也 形而上者也五事固是形而下者然五常之性則理也 說作兩般恐非經之本指然其言止欲於無見乃非禮 形而上者也試更思之即可見矣 勿視勿聴之義於學者亦不為無用更思之 示疑義若據易文即良具背即止其所之義而伊 答李寳之 答楊子順

為祭禮 欠己口口 遷 禮畧看已甚 耳 不見祭祀 其他更 用 Ž 首 人俟詳 特性次少年 但舊 制 易 網 皆名 可觀但特姓第 必 自县 下當 拆段 領恐須依向寫 考續奉報唯祭法及宗廟兩篇 開周 兩篇太細 但 而. 矣禮 前 祭事 故篇 為 有司 法鬼 一碎今可只通 禘神 次諸 刨 條準前篇例合入祭 去者移在諸篇 爪 祖之 侯釁廟次 宗 8 更及 此禮 篇下 政祭 作祭 圭 本 國法 附

郊社次祭義外事 金岁已是有電 祖宗之說公穀國語家語趙氏春秋纂例中說横渠禮 也其他大傅外傅向已附去者可并為之只此目中 説皆當考也 二篇及中雷郊社二 祭法祭義及遭廟附記三篇今附還可照前說重 兩篇并處諸篇之後亦佳祭法內郊之祭也 定為佳中雷郊社二篇可并編定其祭義內外事 **美其蜡祭等** 一篇亦未編定幸并留念也稀 六時祭等 說文的中雷郊社二 两 亦 附此此祭禮篇 章 祭 E 交

· 真遲鈍之資總角聞道終躬求之未有得也賢者誤聽 次足の事と言 用雖極淵微而聖賢言之則甚明白學者誠能虚心静 方亦不甚隹遂不得竟其説至今以為恨也葢道之 不少熹既以乍到疾病公私紛冗而匆匆遽歸之際仲 以為可與言者誨諭詳悉皆非意所敢當也而令弟仲 方判院之來又幸數得從容開警雖多然所未合者亦 當入外事篇他皆放此 答吴生 玭 晦庵集 圭 體

於義理未有實見而强言之所以談經則多出於新奇 散胸中豁豁無 知而不在敬者而邵康節之告章子厚曰以君之材於 吾之學項刻可盡但須相從林下一二十年使塵慮銷 難於養故程夫子之言曰學莫先於致知然未有能致 腴其古雖淺而實深矣然其所以求之者不難於求而 處而徐以求之日用躬行之實則具規模之廣大曲折 一詳細固當有以得之照閒静一之中其味雖淡而實 事乃可相授正為此也今觀來喻似 卷五十九

金グロア人

飲退篤實之意是固未論其說之是非而此數端者已 講之而用力有未至耶若熹之愚無以及此然荷不鄙 立意則或流於偏為而辭氣之間又覺其無温厚和平 以浼禹明之聽也區區拙直言不能文恕其僭率 不敢不盡其愚而又不敢摘一辭之未達一義之未安 とこの巨 こうす 可疑矣豈於先賢指示入道之方猶有所未至耶抑 答吴斗南 人傑 晦庵集 弄三

竊伏田間久聞德義且知著述甚富每以未得鱼見其 極精博矣鄙意尚有欲奉扣者迫此治行之冗未能盡 和敬惟撫字有相尊履萬福二書三復不能去手可謂 悉辨且先得此幸甚幸甚來書又謂方思所以收其放 人而盡讀其書為恨兹辱惠問并寄古易刊誤二書所 何幸如之但洪範詩樂二 布別紙略見一二幸復有以告之他書及許盡以見寄 以見屬之意甚勤且厚非熹淺陋之所能堪也比日春 論尤欲早得之或其餘未能

金好四月全書

卷五十九

心而患於未有以自入此見高明之志又將有意於古 悚然是亦不待别求入處而此心體用之全已在是矣 所敬數益竊當謂今之人知求難大而不知求其放心 由是而持敬以存其體窮理以致其用則其日增月益 固為大感然茍知其放而欲求之則即此知永之處一 見聞之博參考之詳亦何適而非窮理之地哉如其 次足の事とい 自將有欲罷而不能者別以執事之明而加意馬則其 人為已之學不但為言語論説之計而已區區不敏尤 晦庵集 念

金グログと言 然則是直為玩物喪志而已固知賢者不屑為此然熹 爻解似涉重復且覆卦之法不知何所考據近歲林栗 **固陋伏惟察馬旦夕南去相望益遠惟幾以時自愛亟** 侍郎乃有此説然其法又與所論小異不知曾見其書 古易既畫全計繫以录解又再畫本卦分六爻而繫以 **膺召用時時書來慰此窮寂干萬之望** 之愚不得不為執事者 慮之也感見與之勤不敢隱其 别 紙一本作答吴斗南 卷五十九

審今當定從何說因筆幸見喻也 知別有何證據也 安今得所示分别鄭王二本乃有歸著甚善甚善然不 據淳于俊之說便以今王殉易為鄭康成易當疑其未 否渠亦自以為先儒未發之秋則是古未當有是說也 次と四車を書 吕伯恭項嘗因晁氏本更定古易十二篇考訂頗詳然 且如所論以用九為少陽用六為少陰如此只當為用 用八矣何九六之有乎此與改蒙陋説正相南北不 晦庵集 蓋

於逐文之下其經只是連書并在卦下不再畫卦如今 繋辭恐并录解亦是 益录繋於全卦之下而久縣分繫 未有文字已有此書謂有此理則可謂有此書則不 所定之本也 まだりんしん 體乃分別八卦方位與其象類故得以說卦名之繫辭 統名之曰繫解傳恐不可改繫解傳為說卦益說卦之 傳雨篇釋卦文之義例辭意為多恐不得謂之說卦 录傳釋卦辭象傳釋爻辭 繫解傳則通釋卦爻之辭故 可

行者矣 祭墨謂乾之坤曰見奉龍無首吉則覆卦之說有不可 **卦九六則當占之卦解卦解固不害其為繫解也** 得專以為爻辭其一雖專指爻辭則爻辭固繫辭之 全卦七八則當占本卦解三爻七八則當占而卦辭全 也其一為七八九六而言七八九六雖是逐爻之數然 傳言繫解者四今及其二上文皆兼卦爻而言恐不

欽定四庫全書

~

晦春集

支

漢書刊誤固多熹所未講然其暗合者亦多但劉氏所

文自屬下句下文於吳於齊於蜀字皆是句首而劉誤讀 屬之上句乃不悟其非而反疑本文之誤補遺未之正 劉氏所疑亦自有好誤處如溝洫志第二條於楚字本 其非出臆斷唯為原廟渭北一條項見一書廟渭之間 **悖所聞者此類甚多皆與史記合恐當表而出之以見** 斷句如項羽傳由是始為諸侯上將軍儒林傅出入不 屬皆無之恐或記得幸批喻也 有於字亦其明證但今不記此出處偏檢史記漢書之

卷五十九

告歸矣世路艱辣不若歸卧田里以休餘年及人之 社喜承攝於此忽已踰年疾病侵凌無一日好况請祠 楚詞協韻尚多謬 誤幸略為訂之復以見喻尚可修改 不遂經界之役得請後時不可舉手少須三五月即復 奉告感慰亡量比已改歲竊惟履此泰亨倍 答吴斗南

晦庵集

圭

當審擇而遊取之乃無誤耳今此所寄却得 慨然也承受代改秩亦既有期甚以為慰不知諸公相 金りで人名言 書少未能有以上下其論然亦有一二疑處假開多事 非復吾力之所及矣每誦先理不夢周公之嘆未當不 批報項見東漢討羌檄日辰與通監長歷不同又沈存 便人行速未暇一 寄諸書竟未得細考然疑諸儒之説有不足信據者要 知者為誰鼎之有實宜謹所之我仍有疾乃無尤耳前 奉扣姑録一二别紙奉呈幸 一觀恨讀

當時編集未成而為後生傳出致此流布心甚恨之不 年亦嘗為之而未就今邵武印本所謂淵源録者是 意甚住然恐於窮理功夫有所未至則亦只真行終不 能升堂睹與直入聖賢之域也哀集程門諸公行事項 見趙顏子不知何人莫是永嘉趙彦昭否其所論學 記前書曾奉問否合亦見紙尾幸併喻及也李彦平 知曾見之否然此等功夫亦未須作比來深考程先生 欠己日中心的 晦庵集 丟

筆談所載朱浮傳引天作詩目今范書印本亦異

未易以朝耕而暮獲也心不耐閒亦是大病此乃平時 所長決不能發此聽信身心也佛學之與吾儒雖有 道先生所謂句句同事事合然而不同者真是有味 也此後且當盡心一意根本之學此意甚善令人陷於 記憶討論慣却心路古人所以深戒玩物喪志政為此 言其門人恐未有承當得此衣鉢者此事儘須商量 似處然正所謂貌同心異似是而非者不可不審明 見得親切如何敢如此判斷耶聖門所謂聞道聞日

多女 巴尼 有書

卷五十九

然大悟通身汗出之説也如今更不可别求用力處只 是持敬以窮理而已參前倚衛令人多錯說了故每流 是見聞玩索而自得之之謂道只是君臣父子日用常 而在身外耶無思無為是心體本然未感於物時事 竟於養見堯於牆豈是以我之心還見我心别為一 念不忘到處常若見此兩事不離心目之間耳如言見 於釋氏之說先理言此只是說言必忠信行必篤敬念 行當然之理非有玄妙奇特不可測知如釋氏所云豁

人とり手 ひきつ

胸庵集

三克

然心思之正便是天理流行運用無非天理之發見豈 待心思路絕而後天理乃見耶且所謂天理復是何 是天理若使釋氏果見天理則亦何必如此悖亂於減 云也所云禪學悟入乃是心思路絕天理盡見此尤 本領則感而遂通天下之故矣恐亦非如所論之 義理智豈不是天理君臣父子兄弟夫婦朋友豈不 切昏迷其本心而不自知耶凡此皆近世淪陷邪説 謂明者亦未能免俗而有此言也子合便

金はせた人自動

卷五十九

一皆以西為上乃後漢同堂異室之制無復左昭右穆之 此安排有何經據如高祖以下通為稱廟已非所安又 分非古法也若如江都集禮所載孫毓之說却似可信 談倒此胸臆正遠唯千萬自爱為禱 督書甚速草草布此手痛復作不能究所欲言何時 示廟議乃全用左氏臨于周廟 答吴斗南 一條為說然不知似

友と可事と言

Ų

晦庵集

里

而所示舊太朝圖近之不知是誰所定但其圖又以廟

關草似此則決非今之關矣自劉次莊以下所說乃今方並紫節正如洪慶善說若自劉次莊以下所說乃今 殊不分明益古人所説似澤蘭者非今之蘭澤蘭 難臆斷况信祖只可比后稷又與帝嚳不相似如此牽 亦未敢便依此改作也草木疏用力多矣然其説蘭 合如熹之陋固不敢盡信况朝廷諸賢皆深於禮者恐 皆東向而以北為昭南為穆乃是室中給祭之位而 廟制耳周有帝嚳廟禮書並無此文左傳亦無此說 一願而非古之願也今並引之而無結斷却只辨得 火 葉 中

150月月

晚二字似久子細义所謂蕙以蘭推之則古之蔥恐當 如飴乃詩人甚言周原之美舊室之悲如易之載思詩 溪取魚茶是其類則宜亦有毒而不得為苦苣矣如齊 頭非先苦而後廿也又云茶毒葢茶有毒今人用以藥 也此等處正當掊擊乃見功夫今皆如此放過似亦太 如陳藏器說乃是若山谷說乃今之蕙而亦非古之蕙 草矣茶恐為蓼屬見詩疏故詩人與堇並稱堇乃烏 童殺非茶實能甘也喜讀書最少然見此類不能無 フラー ハルア 每卷集

知見日千 疑者尚多則恐此書亦更少子細也若論為學則考證 且收拾身心向裏做此工夫以左右之明其必有所至 已是末流况此又考證之末流恐自此不須更留意却 者情之也因便奉報不覺傾倒勿過勿過南北相望未 矣若遂困於所長而不知所以自反則喜之 答輔漢卿 疑足見探討不倦之 萬珍重以副願言

金分 四月全書

卷五十九

中而能閉門自守味衆人之所不味雖向來金華同門 大足四事とい 之士亦鮮有見其比者區區之心實相爱重但恨前日 并録去可見前説之誤也漢卿身在都城俗學聲利場 近况如何既失楊館之期後來別有相聚處否讀 相見不款今又相去之遠無由面講以盡鄙意更幾死 力卒究大業 令直鄉子細報去矣熹向於中庸章句中常著其說今 答輔漢卿 梅庵集 型

金罗巴尼白書 所記鄙語亦有小小差誤處便中 見此畧加刊削深覺義理之無窮也 亦未暇寫寄不知近讀何書有疑示及此間今歲絕 有味想見自住不得近看舊作諸書其問有說去 人來只所招上饒某人早晚講論耳 答輔漢卿 答輔漢卿 曠不廢讀書足以為慰此問年 卷五十九 一未暇詳報并所改

聞之否 此 則其鈍者既難凑泊敏者又不耐煩有話無分付處其 多但所録語儘有商量恐非面不能盡耳風力稍勁而 思賢者相聚之樂也諸書無人整頓抄寄然改處亦不 次定四事全 祝自愛而已柴中行聞報漕司考校之語其詞甚壮亦 然苦多病不能用力文字間又無朋友共講間有 等人多是立却不住千萬更加勉力以副所期餘 答輔漢卿 胸庵集 至

機不可知但已斷置一切不須較矣恐有浮議相阻止 ·禱僅得州郡申省狀一紙今託常寧游宰附與邸吏投 年滿七十禮合休致又以罪戾不敢自上奏情百端懇 金グログ 之已子細寫與十弟更煩賢者同為分付此事或觸禍 者幸勿聽也比來看何文字做何工夫亦頗有進處否 向所寄來冊子方為看得一半其間亦有不足記者其 未備者已頗為補足矣後便方得寄去也精舍亦有 人相聚李敬子胡伯量尚未去早晚頗有講說 卷五十九

是幸事豈可別有真望耶承許秋涼相訪甚幸此簡道 省開不利亦是時節如此看此火色且得安坐喫飯已 定者亦甚難得人况更向上事耶 成又以氣痞不可凭几恐此事又成不了底公案也省 今尚留否耶具在彼者頗皆相見否當此時節立得脚 榜非久當出不知一番朋友得失如何味道聞寓書館 但每相與共恨賢者之不同此樂也只是禮書不能得 答輔漢卿

次ピコートという

晦庵集

器

欲見之但重滞如何得來可更試為籌度也 呈如決江河更無凝滞矣今以謝致仕表附便去令十 上思索體認持守省察自不可項刻虚度如此積累功 金少に月台書 弟分付投下及更料理一二事渠相見公自說及恐有 夫則其間必有所大疑亦必有所大悟一旦相聚覿面相 理功夫本不可有問斷時節目下雖無人講貫自己分 可疑合商量處亦望與之剖決也昨承許借博古圖甚 答輔漢卿 卷五十九

得文字亦好但恨漢卿不同此會耳 將進為於斯世者而乃有意於此何嗜好之異耶夫名 精含有朋友十數人講學頗有趣仲秉甚不易遠來看 實義利為已為人之判正則之言是也但其所為者要 甚幸然此乃近世所謂能偽之學而斥去之者向來雖 或好之今亦隱諱遁逃之不暇以賢者之門地聲迹益 承喻為學之意與其所聞於師友而服膺弗失者甚慰 答陳思誠景思

欠己の事と言

胸庵集

当

也 當真實有用力處所不為者要當深自省察蚤戒而預 金グロノと言 遠之是乃所謂微驗之實不然則提空名以鄉道而實 疏示所見此固足以自樂賢於世之沈迷冒没之流遠 勤率易布此不識以為然否然勿以語人又千萬之懇 無以自拔於流俗之所為則亦君子之不取也荷意之 矣但猶有許多節次脈絡何耶然以釋氏所見較之吾 答陳衛道章 炭五十

曾見得裏許真實道理所以見處則儘高明脱洒而用 是見得不實非如釋氏見處行處打成兩截也當見龜 儒彼不可謂無所見但却只是從外面見得箇影子不 徐行後長義獨意其語未免有病何也益如釋氏說則 相離雖毫釐絲忽間不容畧有差好才是用處有差便 處七顛八倒無有是處儒者則要得見此心此理元不 山先生引靡居士說神通妙用運水般柴話來證孟子 欠とりをとう 但能般共運水即是神通妙用此即來喻所謂舉起處 梅庵集 꿏

其中 金りでたる言 先長即便不是所以格物致知便是要就此等處微 則只生此民時便已是命他以此性了性只是理以其 天下國家可得而理亦不是兩事也天生然民有物有 然無纖毫疑礙所以才能格物致知便能誠意正心而 理是者便是順得此理非者便是逆著此理胸中 别令日用問見得天理流行而其中是非黑白各有 所禀故謂之性非有塊然 更無是非若儒者則須是徐行後長方是若疾行 卷五十九 一物可命為性而不 細

文正の事心上了 此 得此道而不害至徼之理至著之事一以贯之畧無餘 得此君臣父子三綱五常之道而無餘言養性便是養 故伊川先生言天所賦為命物所受為性其理甚明故 凡古理賢說性命皆是就實事上說如言盡性便是盡 不滅也益嘗譬之命字如朝廷差除性字如官守職業 八非虚語也此話甚長非幅紙可盡然其梗樂於此可 不審明者以為如何因風示及有所未契尚容反復 晦庵集 型

金りせんと言 處只在備何恍惚之間也所云釋氏見處只是要得六 想但每事尋得 遠到得真實樂處意又自别不似此動蕩攪聒人也 究踐優日求其所未至所謂樂處却好且拈向 命之理只在日用間零碎去處亦無不是不必著意思 示喻謹悉但今欲為儒者之學却在著實向低平 不行則本性自見只此便是差處六用豈不是性 答陳衛道 個是處即是此理之實不比禪家見 漫 性

次已日事とよう 權且如此將來熟後却不須絕滅否此箇道理無一 |錯耳只如絕減三綱無父子君臣一節還可言接人時 **摩如磨鏡垢盡明見但謂私欲盡而天理存耳非六用** 網五常又自有師弟子上下名分此是天理自然他雖 問斷這裏霎時間壞了便無補填去處也又云雖無三 後却自不須如此前書所譏不謂如此正謂其行處頭 不行之謂也又云具接人處不妨顛倒作用而純熟之 脚庵集 息

一待具不行然後性見則是性在六用之外別為

實是當不似異端便將能何底影象來此軍占真實地 大縣不是了且權時一齊放下了只將自家文字道理 能盡今左右既是於彼留心之久境界熟了雖說欲却 位也此等差互處舉起便是不勝其多寫不能窮說不 得來而其真實者却已絕滅故儒者之論每事須要真 欲滅之而少竟絕滅不得然其所存者乃是外面假合 小兒子初上學時樣讀後來漸見得一二分意思便 此邊來終是脫離未得熹向來亦曾如此只是覺得

金万中門と言

卷五十

接物時時提斯者亦只是提斯得那能侗底影象與自 長處而會歸於正便是放不下看不破也今所謂應事 星子是處不用著力排損自然不入心來矣今云取其 家這下功夫未有干涉也鄙見如此幸試思之還說得 漸見得他一二分錯處逸選看透了後直見得他無 とこうら 見裏面間架詳密毫髮不可差處須是且看一書一 文字亦不可如此一報念過便只領畧得儱侗影象不 病痛著否因來却見喻也中庸欲修改未得功夫然看 1.2.5 梅庵焦 咒

多分四月全書 作恐出常 只看一 前書所論方叔所說不同者只是渠以知覺為性此是 物而言耳本領既差自是不能得合今亦不能枉赀言 説性善處方無室碾而告子生之謂性所以為非者乃 語但要學者見得性與知覺字義不同則於孟子許多 大病後段所謂本然之性一而已矣者亦只是認著此 兩段俱其通透淡治然後可漸次而進也必免 答陳才卿 <u>表</u>五十.

如此滞泥也益天命之性雖人物所同禀然理賢之言 又有以吾為言者如言上帝降衷于民民受天地之表 本以修為為主故且專言人而修為之功在我為切故 **説性或通人物或專以人而言此亦當隨語意看不當** 不可以仁義禮智而言微物之性固無以見其為仁義 以生不可謂物不與有孟子言我善養吾浩然之氣不 可見耳才卿所論中庸戒懼謹獨二事甚善但首章 可謂他人無此浩然之氣也又謂微細之物亦皆有性

次定四事上書

晦庵集

精當更思之又謂所謂率性只就人物當體而言却 禮智然亦何緣見得不是仁義禮智此類亦是察之 金ケロをといる 非是以人率性而為此道也謝氏天地不恕之論所 删去而言之三字此亦誤矣道只是性之流行分别 自見得不必如此横生辨難枉費詞說也 亦未當凡此之類有本不須致疑者但且虚心反復當 室蕭然有以自樂令人敬歎看詩且如此 答陳才卿 瑟五十九 説 欲

轉入棒喝禪宗矣切宜省覺不可一向如此也子融看 來書所喻大率少寬裕之氣有勁急之心如此不已恐 秋試不遠計不免小忙然以義理觀之此亦當有處也 也 團也所答守約書大縣得之更當虚心玩味當更純熟 張也玉山所說當已見之若嫌離析即却教他捏做 大凡讀書須且虚心參驗久當自見切忌便作見解 本無即空 答陳才卿

を 日事を

晌庵焦

季

得文字痛快直截可喜想時相見正叔在此無日不講 金罗巴尼人門 此豈可不痛加省察或因通書幸為致意 易得覺微有向外欲速意思便做出許多病痛學者於 融去歲在此講論多不合處中間益嘗苦口言之後來 方叔子融曾相見否方叔看得道理儘自稳實却是子 說終是葛藤不斷也 向不得書不知能相信否似渠堅苦力量朋友問豈 答陳才卿 卷五十九


就之乎者也上學他恐無交涉也 文已日日 心計 得不待操而存矣格物致知亦是因其所已知者推己 詳來示知日用功夫精進如此尤以為喜若知此心此 以及其所未知只是一本元無兩樣工夫也 理端的在我則參前倚衡自有不客捨者亦不待求而 詩甚住康節胸懷未易窺測須更於實地加功若只 答陳才卿 答陳才卿 晦庵集

留計未知天意果何如也 細事也熹今年足疾為害甚於常年氣全滿凭几不得 **熹碌碌如昨但年老益衰已分上自未有得力處朋友** 功夫亦多間斷方以為憂而忽此紛紛遂皆不敢為久 金少旦人人 此禮書不得整頓且看向後病勢又如何若有可奉 簿赴部何時可歸待次之間且勉其讀書為學文 答陳才卿 答陳才卿

學問之實也 煩者即奉寄也禮學是一大事不可不講然亦須看 來喜以苦氣痞殊甚不能俯伏几案歲晚諸人或來即 若通則其先後彼此展轉參照足以互相發明久之 通貫也此問所編直卿及用之兄弟分去謄寫尚未 義理分明有餘力時及之乃佳不然徒弊精神無補 ケヘア・コラニョー 知看儀禮有緒甚善此書雖難讀然却多是重復倫類 答陳才卿 海看集 至 E

銀分四月全書 開正不免作數月功夫自聽對讀或可了也傅兄相聚 比之日前頗貴力耳禮書得直卿劉用之在此漸可整 精舍朋友往來不常早晚頗有講問之樂但病驅應接 即亦相去不遠猶不廢切磋之益也子融日益狐髙深 其日有常度則積累久之自見功效矣明年只在水止 看得甚文字想其家務不能專一不免小作課程而令 可欺美一書却煩達之 答陳才卿 巻五十九

擔擱虚度光陰不濟事也其他更讀何書子融相聚有 讀他處避追或有發明自不費力今徒守此一處反成 有仲婦之威悲傷之餘贏困益甚細讀來喻知亦有災 · 康衰病如作加以患難今歲夏間復失 頓然亦多貴功夫甚恨相去之遠不得賢者之助也所 決定四事 上島 何講論因筆及之所願聞也 示儀禮所疑此等處難卒說但看時隨手劄記向後因 答陳才卿 晦庵集 小孫秋來又 蠢



所喻誠意之說只舊來所見為是昨來章句却是思索 **聚但難得身心純一功夫不間斷耳** 答陳才卿

講論甚恨才卿獨不在此也諸書二兄處皆有本歸日 過當反失本古今已改之矣正叔子融相聚累日多得 必同觀有疑幸詳諭及康節文字二兄亦已見之喜亦 不能盡究其說只改蒙所載為有發於易他則别成

欠己日日 とうう

家之學季通近編出梗縣欲刊行旦夕必見之然亦不

梅庵集

五五

金岁巴尼台書 加精約耳中庸亦更欲刑訂大抵舊書太兄也遇事問 夢不無愧耳大學章句或問比復畧修大旨不殊但稍 **喜衰晚甚幸復安外祠之禄深以自慶但使賢者為亂** 少深究也 硬差排不得著意開放却成病痛但且守常程久之 熟自然疏豁乃佳耳子融說得樂意生香處甚痛快但 不當有所厭然謂欲放令此心疏豁無所執滞此却恐 答陳才卿 老五十九

懼真當勇猛精進庶幾不虚作一世人也 正叔遽至於此令人痛傷人生虚浮朝不保夕深可警 恐又轉入舊腔裏也 答余正叔 答陳才卿

集義而不知主敬者固有虚驕急迫之病而所謂義者

示喻已悉前日所論正為敬義工夫不可偏廢彼專務

或非其義然專言主敬而不知就日用問念處起處入

久でり事を書

晦庵集

至

於昏慣雜擾而所謂敬者有非其敬矣且所謂集義正 金ジャルノニ 然破矣若具本領則固當以敬為主但更得集義之功 别其公私義利之所在而決取含之幾馬則恐亦未免 事事物物頭頭處處無不如此體察觸手便作兩片則 是要得看破那邊物欲之私却來這下認得天理之正 無昏愦雜擾之病上蔡所謂去却不合做底事則於用 以祛利欲之敵則於敬益有助益有不待著意安排而 天理日見分明所謂物欲之誘亦不待痛加遏絕而自 į.

見得也前日三詩首篇計功程字是大病根而其下亦 生殺慮别作商量但請依此實下功夫久遠純熟便自 子所謂敬義夾持直上達天德自此者耳今亦不須更 得如此故今復如此剖析將去使正叔知得鄙意不是 敬有功恐其意亦謂此也正叔本有遲疑支蔓之病 タノアンジョ 未見的實用功得力之處後二篇亦未見踐言之效只 此所論依舊墮在此中恐亦是當時鄙論不甚分明致 舍敬談義去本逐末正欲兩處用功交相為助正如程 御卷集 至

親切自己然其無事之時尤是本根所在不可昏情雜 多好四月全書 擾故又欲就此便加持養立个主宰其實只是一 念但以為不可一向專靠書冊故稍稍放教虚閱務要 不可似前泛泛悠悠虚度時日也 成虚說尤犯聖門大禁大槩皆是平日對塔說相輪慣 示喻日用工夫甚副所望然前者所論未嘗欲專求息 意思致得如此須是勇猛決烈實下功夫力採此病 答余正叔

撕警策通貫動静但是無事時只是 此警覺久遠須得力爾千萬且於日用間及論語中 問讀舊書雖葵藿之心不敢弭忘然疎遠之分亦不敢 真為判然二物也上蔡之説便是如此亦甚要切但如 事處便有是非取舍所以有直內方外之別非以動静 火を四事と 力令有个會通處即他書亦不難讀爾 出無補幸已還家又幸奉祠遂請且得杜門休息 答余正叔 晦春集 一直如此持 五

學與易修改順多義理無窮心力有限奈何唯需畢力 若以一時粗淺之見便自主張即無由有進處也 多グセトノー 鑽研死而後已耳 所喻别紙奉報幸更思之有所未安復以見告講論不 厭精審方見義理之真然亦須是 虚心平氣方能精審 不安何也別後讀書觀理復增勝否素歸家只看得大 答余方权大飲 籍謂仁義禮智信元是一本而仁為統體故天 卷五十几

天之生物有有血氣知覺者人獸是也有無血氣知覺 而但有生氣者草木是也有生氣已絕而但有形質臭 以其分之殊則其理之在是者不能不異故人為最靈 味者枯槁是也是雖其分之殊而其理則未嘗不同但 體 皆有性有氣此又是以氣質之性廣而備之使之兼 不存馬只是説及本然之性先生以為枯槁之物 下之物有生氣則五者自然完具無生氣則五者 洞照而無不徧耳

久己の日という

胸庵集

尭

多为巴尼有言 得 并與其知覺者而亡馬但其所以為是物之理則未嘗 而備有五常之性禽獸則昏而不能備草木枯搞則 乎他說皆得之但謂敬只是防去此等以復於理語意 不具耳岩如所謂纔無生氣便無此理則是天下乃有 切須知敬即 业)物而理之在天下乃有空闕不滿之處也而可 此心之自做主宰處更宜用力即 師 卷五十九 白見

向 文とりもという 學者通患顧非親曾用力不能知耳大抵只是主敬功 凡有言語皆為剩物矣又說日用間似見光景不覺喜 夫不至致得問斷但日用問常自提斯勿令昏惰則久 惠書得聞為學之志固已甚幸又觀所論係目甚詳 久自長進矣 如此說即非唯令人解經不得雖聖賢亦無開口處 示諸説備見用意之精然看得皆過高不平稳若 答趙恭父 晦庵集 辛

言之更不縷縷渠認得門路却不錯但恐未有勤懇積 之自然開明安稳無凝滞也儀禮文字却好致道一篇 悦此亦非好消息且宜就平實明白處看道理是非人 累工夫凡百更相勸勉為佳耳 已入注疏他時諸篇皆當放此或所附之文有難暖者 亦當附以注疏也致道告歸甚令人作惡此問事渠能 謹終追遠游氏日終者人之所易忽也而謹之遠者 答趙恭父

聖人之言為衆人發非專為賢者發也故其所言皆理 所當然而人多不能然者若皆如來喻則世間更 謂其終之當謹非謂其遠之當追是皆天理人心不 凡事而言非專為喪祭而發夫額泚非為人愴悽 也往往易以忽陽為近及遠也往往易以忘非謂下 能自己非若凡事玩於常情故終謹於始而及其終 人之所易忘也而追之厚之至也竊意游氏意恐 作字基具

とこう 日 ときず

屷庵集

ありで見る書 |背死忘先之人不待堯舜而比屋常可封矣曾子亦不 須說此兩句程子亦不當兼說喪祭也 此類亦多分得不同如仲弓子桑顏淵子路不曾分子 之理此章之持更宜深玩方見實用力處 看文字只虚心隨文平看豈有所說本小而須作大看 富貴是人之所欲一章恐亦不可小看看此自非顔 閔以上工夫至到者恐未易言 原思為之宰疑亦以類相從而别為一章未詳 炭五十九

所繫不能易也要之不若皆析為二乃住 贱子貢回也冉求却分了益一時失於點對然非-文ピ四年という 不曾說樂處如何所樂何事也 賢哉回也章集注云今不敢妄為之說某竊疑下 章詳集注意夫子行三軍必與已同意子路自謂若 則誰與吾不與之與是訓許故竊以為恐難合作 用之則行舍之則藏章竊疑唯我與爾之與是訓同 已復禮之云已然為學者說破却似則著此語 晦魔集

若如所解即句内字數不足聖人之言不如是之造作 暴吾又安能追而抑之耶 是其氣象如此雖作兩章然粗暴亦只在也况彼之粗 分章已見前說但與字恐難作兩般說子路問得粗暴 如此也 兩章而不害其相蒙則字義既明而氣象亦不覺至 行三軍則舍我復誰同耶但覺得氣象太粗暴若作 吾止吾往也竊意文義恐吾者聖人自吾也 **於五十九**

金月口屋 有事

世間亦有美質而能安貧者皆以為知道可乎更思之 此二義兼存以待學者之自擇未有一定之說 奇巧也 久已四年心島 樂道也 集注解回也其庶乎屢空章言其近道又能安貧也 孔子遺書雜記曲禮非特孔子事 竊疑又字似作兩截益樂道故能安貧而安質所以 君子不以紂鄉師注云君子謂孔子下文蘇氏曰此 脚棒集 空

金月口屋石書 深爱和氣一節承上文孝子之祭不訟不愉不欲等語 色莊便是兼著貌字 篇且與泛存祭統先於祭義亦無害也 未必為祭發也所編者但取其相關者附之經下其全 而發非獨為敬齊之色一句也其下乃逸遇雜記孝事 祭義 言取人下文又言不可以貌取人何也 論為是與章集注云云詳此文義恐只是說不可以

能 之事但其竊疑儀禮所載鄉飲只是鄉大夫與其賢 其文由前之說則有所謂古之學術道者將以得 地 儒以為記黨正飲酒于犀序以正齒序之位今詳考 記鄉大夫飲廣于庠序之禮自鄉飲酒之禮而下 鄉飲酒義謹按此篇自鄉飲酒之義而下先儒 者坐五十者立侍以聽政役之類亦足以證序齒 而以禮賓之不知說禮者何取於黨飲而記為 云 云固足以見實與之意由後之說則有所謂六 是 則

7. 55.5

とうごう

梅庵集

蛮

當如此 此無他義只是作記者并舉之耳 金万里人名言 禮之義為篇首而置庶子官一節於篇末乃成文耳 **热義首載庶子官一節未詳據文勢恐當以諸侯燕 厄未得其說** 說然則自鄉飲酒之禮而下豈自成一章之文乃世 義據鄭注云漢郡國以十月行此飲酒益取黨正之 儒述其所以有取於黨正之義而因以傅益之耶 卷五十九

てこりら これ 盡然而汎於人乎一節雖承上章養老之文而云然 及人之老哉又曾子曰孝子之養老也止至於犬馬 差耶又凡養老止玄衣而養老一節疑王制文重出 處如飯黍稷稻梁止大夫於閣三士於坫一一節 上下文似不相家豈特載此因以著夫貴賤品節 不然亦豈先王之成法因子事父母而達之天下以 人倫美教化者無所不用其全具疑中問似有難 一篇文理客察法度精詳見古先聖王所以厚 脚尾集 1

多分口月百月 養老一節舊亦疑之似當削去的即亦然但說飲食處 與稻米為酏一節亦疑錯簡恐或當屬上文冬宜鮮 并有條獨此未易曉暢 錯簡恐或當在上文玄衣而養老之下又淳熬止以 脱誤在此耳又凡養老五帝憲心皆有惇史一節疑 時朝廷所下教命恐不應引到曾子之言疑是他簡 此篇既曰后王命冢宰降德于衆兆民則是古昔盛 羽膳膏類及雞兔皆有笔之下自此外數節上下井

未知如何更詳考之 篇則非先儒雜記之文又按儀禮疏云儀禮亦名曲 某調鄭氏所謂今禮即指儀禮而言然則可補儀禮 禮又禮器注云曲禮謂今禮也禮篇多亡本數未聞 之闕心甚喜之近見禮記釋文引鄭氏篇目注獨此 某比在侍側見余正甫云奔喪投壺兩篇可補儀禮 之闕似無疑矣內則附昏禮後作傅文亦善於 一篇注云實曲禮之正篇也餘皆否其竊詳謂之 所削去者 收 勿使 亦

次定四車至書

肺虚焦

至

15 少儀亦是無收附處且因篇首之言而附之耳若以為 疑不知却合如何區處幸批報也 暇及悉告尊察 既有疑問不容已自餘不惟不敢肆其狂斐即亦未 煩瀆師聽但據眼前編集文字因致愚慮於其間 是否禮經殘缺可疑者不能一二數凡此非敢泛然 相見禮則疑未安益其問數節見少儀已編入本篇 矣餘為雜記恐不足以相證而徒足以相亂耳未知 卷五十

嫌全提直指四字近禪學語未暇改也又論亦有真知 多無益也大學或問所改首尾兼該本末具備若只讀 而自欺者此亦未然只此自欺便是知得不曾透徹此 所喻數條皆善然當實用其力乃見意味徒為空言雖 半截便下注脚宜其不能不有偏倚之疑也鄙意却 昨晚有嘗鼠樂而中毒者幾致委順只此便是不曾

文で可与 とから

Į

晦庵集

芝

真知砒霜能殺人更何疑耶然又不是隨泉畧知之外

消息也 近前為可免於斯世耳一或不幸為人所知便不是好 更相勉勵今已是不得已而從官唯有韜晦静默勿太 步低人一頭者此則甚善致道恐亦不可不聞此説可 體驗須有自然信得及處便是真知也所謂退人 人學則似不必如此致疑此等大際諷詠畧見經 答趙恭父

金岁口足人

别有真知更須別作道理尋求但只就此畧知得處著

卷五十九

試考之當自見得也 耶親賢樂利上四字皆自後人而言下四字或指前王 之所訶矣要之淇澳言其明德而可以新民以見明德 欠己日中心 之極功烈文因言非獨一時民不能忘而後世之民亦 意以助知新之功耳如此拘滯却成支蔓而墮於異學 不能忘以見新民之極功自是語勢當然况又無可疑 月親或指前王之澤賴又皆聖分縷折無可疑者可 晦庵集

體羣臣子庶民子字與吕說不異體字雖小不同然吕 體認不須便如此立說也 人之所以為人以其有是性耳若云性之所以為性則 道心雖微然非人欲亂之則亦不至甚難見惟其人心 君子之時中與索隱行怪兩章未是可更將章句反覆 語意大重複矣 日熾是以道心愈微也 人意自好不欲廢也勸者所以致吾親愛之心而慰

金り口下了

詳之 知遠之近亦不必如此迫切却有不實之 文ピヨー 經綸大經立大本似亦是看得章句未熟 前知之說章句中說得已自分明 《學若從物格上看下去即不可不如此之意甚上 句尤無者落須看教寬平著實乃佳耳 Carr 晦庵集 1病知風之自 究九

當聞之天下有正理唯博學審問慎思明辨不先自主 金分口匠人言 **喜求道不力衰晚無聞辱問之勤不知所以為報然少** 為足便謂天下之美無易於此則不唯不足以得天 之說眾人亦知其非豈以彼之明智而肯取以為用此 不欲恆此天下之至言也願明者以是思之若曰佛老 一定之説而無疑若得一先入之言而媛媛姝姝自以 '正理亦歸於陋而已矣胡子曰學欲博不欲雜欲約 一偏之説而虚心以察衆理之是非乃可以自得於 卷五十九

請近歲所謂佛者之言則知其原委之所在矣此事可 笑非面見極談不能盡其底裏然為學之初便欲窮具 如涉大水沙無津涯要當常以聖賢之言為標準則不 説之是非而去取之則又恐緑衣黃裏之轉而為裳也 好侏儒觀優之論今固未論有見於吾道者之如何 亦似頗識為學之門戶經由必能具道此間曲折凡此 久足の事を言 所未及言者可問而不暇盡布也 至於陷矣令弟致道在此相聚數月雖未能悉力銳進 晦庵集 羊

氣則有是理無是氣則無是理是氣多則是理多是氣 金罗巴尼 以偏全論若論禀賦則有是氣而後理隨以具故有是 周子曰誠無為幾善惡此明人心未發之體而指 即是理少又豈不可以偏全論耶 疑理氣之偏若論本原即有理然後有氣故理不可)發之端益欲學者致察於萌動之微知所決擇 答趙致道師夏 答趙致道

見日日によす 一 善惡雖相對當分賔主天理人欲雖分派必省宗孽 於胡子同體而異用之云者遂妄以意揣量為圖如 自誠之動而之善則如本之自本而幹自幹而末上 后 去取之以不失乎本然之體而已或疑之以謂有類 之意 此明 周子 誠態善幾 晦庵集 之説 胡氏 此 證 誠 善幾 惡幾

多分四月全事 於的動幾微之間而察其所發之向背凡具直出者 之不早擇之不精則客或乗主孽或代宗其學者能 而誠之正宗也其或旁禁則秀若寄生履赘者此雖 非心之固有益客寓也非誠之正宗益庶孽也首辨 亦誠之動則人心之發見而私欲之流行所謂惡也 下相達者則道心之發見天理之流行此心之本主 為天理旁出者為人欲直出者為善旁出者為惡直 出者固有旁出者横生直出者有本旁出者無源直

次定四車公事 一 雜矣此胡氏同體異用之意也 源未發之前已具此兩端所謂天命之謂性亦甚汙 善惡為東西相對彼此角立則是天理人欲同出 有善無惡而程子所謂不是性中元有此兩物相對 者利導之旁出者過絕之功力既至則此心之發自 而生又曰凡言善惡皆先善而後惡盡謂此也若以 然出於一途而保有天命矣於此可以見未發之前 出者順旁出者逆直出者正旁出者邪而吾於直出 晦庵集

此說得之而圖子有病已暑改定更詳之 舜事業也子路則以才氣之勝自以為雖當顛沛 不以私智擾之則天地順序而萬物各得其所此堯 流行之體而天地萬物之理所謂自然而然者但吾 智力則循理道不能出此二途也曾點有見乎發育 這氣象也何也葢為國不循理道則必任智力不任 便是堯舜氣象故子路若達為國以禮道理却便是 四子言志一條程子曰夫子與點益與聖人之志同

金りにアクラー

巷五十九

得之 欠日日日によう 用識其本而違其末所以行有不掩而失於狂矣 禮者益言理則隱而無形言禮則實而有据禮者理 氣泉勇銳不若曾點之陽暇和平也然不曰理而曰 壞不可支持之處而吾為之亦能使之有成子路誠 之言體用兼該本末一貫若曾點則見其體而不及 之顯設而有節文者也言禮則理在其中矣故聖人 足以任此矣然不免有任智力之意故志意激昂而 梅庵集 キニ

一多分四月 台書 乎形而下者也然雖遞低一級而僅相似即其僅相 其言遞低一級故雖欲歸於清淨寂滅而卒不能離 感物而動者為情所以相似也大要釋氏不識理故 儒者之論情益釋氏以作用者為性而儒者以主宰 上蔡云佛氏之言性如儒者之言心釋氏之言心如 為心所以相似也釋氏以緣景而生者為心儒者以 似者實大不同何也其於作用則不分真妄而皆以 為真其於感物則不分真妄而皆以為妄儒者則於 **港五十九**

大縣亦是 來而二者亦互相資也其不識天命之懿而以人然 首子言性惡禮偽其失益出於一大要不知其所自 其中分真妄云耳此其大不同也

次定四重公野

聯庵集

キ 四

美是聖人制此以返人之性而防遏之則禮之偽明

矣以禮為偽則凡人之為禮皆反其性矯揉以就之


禮所謂不知所自來也至於以性為惡則凡禮文之

横流者為性不知天秩之自然而以出於人為者為

亦得之 金りとたる明明 時中恐於提綱挈領處未遽及此若言未發之中則 有所疑所謂允執厥中之中不知指何者而言若言 性惡之意也義外之論則禮偽之意也 則性之惡明矣此所謂互相資也告子把柳之論則 所謂人心道心正是因已發而言兼未發之時亦難 人心道心一章其上三句只循中庸章句叙説看未 答趙致道 老五十九

たとりられる 挈領處此句乃言其效耳 則所謂允執厥中正時中之中矣惟精惟一正是提綱 程子曰惟精惟一所以至之允執厥中所以行之如此 浸浸送入於隨時狗俗之域與初間立心各别此所 謂奪志也不知程子之意果出於此否又不知人未! 程子言任官奪人志或言為當貴所移也愚意以為 不特言此但才任宜則於室礙處有隨宜區處之意 以言執今欲於人受天地之中上看未知可否 晦庵集

免任官而有此病又何以殺之敢之指酶 輕重耳然幾微之間大須着精彩也 所喻奪志之說是也若欲救此但當隨事省察而



晦庵集卷五十九				金グログノー
4十九				を五十九